



ՆՈՒԽԻ ԵՎ ԱՐԵՇ ԳԱՎԱՌՆԵՐԻ ՀԱՅՈՒԹՅԱՆ ԿՈՏՈՐԱԾՆԵՐՆ ՈՒ ԻՆՔՆԱՊԱՇՏՊԱՆՈՒԹՅՈՒՆԸ

/1917 ԴԵԿՏԵՄԲԵՐ - 1918 ԱՊՐԻԼ/

Հայ ժողովրդի մի հատվածի կյանքը կապված է եղել բուն Աղվանք երկրամասի՝ Հայաստանին սահմանակից Նուխի¹ և Արեշ² գավառների հետ, ուր տեղական բազմալեզու ցեղերի հետ միասին, վաղնջական ժամանակներից սկսած, բնակվել են մեծ հայերը³:

19-րդ դարասկզբին Ռուսական կայսրությունն Անդրկովկասում իր տիրապետությունը հաստատելուց հետո, 1867 թ. դեկտեմբերի 9-ի հրամանագրով կատարում է վարչա-տարածքային մորթաճանումներ⁴, որի արդյունքում 1868 թ. ստեղծվում է Ելիզավետպոլի մահանգը՝ 38340 քառ. կմ տարածքով, Ելիզավետպոլի, Շուշի, Ջիվանշիրի, Զանգեզուրի, Ղազախի, Կարյազիճույի և Կուր գետի ձախափմյա շրջանում գտնվող Նուխի և Արեշ գավառներով⁵:

Նուխի գավառը գտնվում էր Ելիզավետպոլի մահանգի հյուսիս-

¹ Նուխի տեղանունը վաղ ժամանակներում գործածվել է նաև Շեքի-Շաքի անվանաձևով: Հետագայում՝ Նուխի: 1868 թ. ադրբեյջանական իշխանությունները այն կրկին վերանվանել են՝ Շեքի:

² Արեշ կամ Արաշ տեղանունը գործածվել է նաև Արժանաս անվանաձևով /Մ. Բարխուտարեանց, Պատմութիւն Աղուանից, Կ. Ա., Վաղարշապատ, 1902, էջ 17 /:

³ Մ. Բարխուտարեանց, *Եջվ. աշխ.*, էջ 13:

⁴ Нагорный Карабах в 1918-1923 г.г. Сборник материалов и документов, ответств. ред. док. ист. наук, проф. В. А. Микаелян, сост. В. А. Акопян, О. С. Баликян, А. С. Вирабян, В. А. Микаелян, В. С. Эвоян, Ереван, 1922, стр. XII.

⁵ М. С. Сапшовичь, *Весь Кавказь*, Баку, 1914, ст. 346.

արևելյան ծայրում, գավառի կենտրոնն էր Նուխի քաղաքը: Արեշի գավառը նույնպես գտնվում էր նահանգի հյուսիսային մասում՝ Նուխի, Գանձակ և Զիվանշիր գավառների միջև՝ արևելյան կողմից սահմանակից լինելով Բաքվի նահանգի Գյոքչա գավառին⁶:

1918 թ. հունվարի 1-ի⁷ դրությամբ Նուխի գավառի հայությունը կազմում էր 26760, Արեշում՝ 19161 շունչ⁸: Երկու գավառներում էլ կային 62 հայաբնակ գյուղեր⁹: Հայկական պատմա-ճարտարապետական հուշարձաններով հարուստ Նուխի-Արեշում կար 63 հայկական եկեղեցի¹⁰, որոնցից երկուսը՝ Նուխի քաղաքում¹¹:

Մահմեդականները, որոնք գերակշռում էին երկու գավառներում, 18-րդ դարից սկսած, օգտվելով քաղաքական անկայուն վիճակից, հետևողականորեն, կոտորածի ահի տակ մահմեդականացրել էին մի շարք հայկական գյուղեր¹²: «Դեռևս 17-18-րդ դարերում, - գրում է Բաքվի «Արև» օրաթերթը, - թուրք անգիտակից խուժանը իր ապիկար և մոլեռանդ հովիվների առաջնորդությամբ շատ գյուղեր մահմեդականացրել էր: Նուխվա գավառի Քիլ /Գիս/, Կոխմուխ,

6 Ա.-դո. Հայ-թուրքական ընդհարումները Կովկասում՝ 1906-1908 թթ. /փաստազրական, վիճակազրական, տեղազրական լուսաբանություններով/, Երևան, 1907, էջ 386, նաև Памятная Книжка Елизаветпольской губернии на 1910 г. Елизаветполь, 1910, стр. 37.

7 Кавказский календарь на 1917 г. Тифлиς, 1916, стр. 190-197.

8 1916-1918 թթ. ժամանակահատվածում Նուխի և Արեշ գավառների հայ բնակչության թվաքանակի վերաբերյալ պատմական գրականության մեջ հանդիպում են հակասական տվյալներ: Արխիվային փաստաթղթերում /ՀՀ ՊԳԿԱ, ֆ. 276, ց. 1, գ. 22, թ. 41 / հիշատակվում է 50-60 հազար: Նուխիի հոգևոր վարչության վիճակագրության համաձայն՝ 50192 /ՀՀ ՊԳԿԱ, ֆ. 246, ց. 1, գ. 12, թ. 2 /: Արրահամ Գյուլխանյանն իր աշխատության մեջ /Բազուի հերոսամարտը, «Հայրենիք», 1941, թիվ 5, էջ 73 / Նուխի գավառում հիշատակում է 34 000, Արեշում՝ 15 000:

9 Кавказский календарь на 1916 г. Тифлиς, 1914, стр. 184-214, նաև Մ. Կարապետյան, Հովհ. Թումանյանի Հայկական կոտորածի մասին, ՊՐՀ, Երևան, 1987, թիվ 2, էջ 244:

10 Մ. արք. Օրմանեան, Հայոց եկեղեցիներ և իր պատմությունը, վարդապետությունը, վարչությունը, բարեկարգությունը, արարողությունը, գրականությունը ու ներկայ կացությունը, Կոստանդնուպոլիս, 1911, էջ 266:

11 Մ. Բարխուտարեանց, Աղուանից երկիր և դրացիք, Թիֆլիս, 1893, էջ 264:

12 ՀՀ ՊԳԿԱ, ֆ. 376, ց. 1, գ. 89, թ. 6, նաև Մ. Բարխուտարեանց, Աղուանից երկիր և դրացիք, Թիֆլիս, 1893, էջ 261:

Բդեզ / Պարտեզ /¹³, Վարդանյու¹⁴ և այլն: Այնուհետև շարունակում է. «Պարզ է, որ Աղվանից երկրի հայության վերջին մնացորդը անդունդի եզերքին է կանգնած»: Ընդ որում, այդ ամենն ուղեկցվել էր նաև հայկական եկեղեցիների ավերումներով: Այդ առիթով արժեքավոր տեղեկություններ է հաղորդում գերմանացի ճանապարհորդ, գրող Բարոն Ավգուստ Ֆոն-Հաքստդաուգենը, որը 1843-44 թթ. ճանապարհորդել է Անդրկովկասում¹⁵: Նա գրում է. «... Բոսդաղի լեռնաշղթայի ամբողջ գծով և Շամախու լեռներում գտնվում են հայկական բնակավայրեր և գյուղեր: Բոսդաղում և Շաքիի պրովինցիայում սկսած Նուխիից մինչև Չատմաս /Խաչմազ-Գ. Ստ./ ամենուր հանդիպում են քրիստոնեական եկեղեցիների ավերակներ, որոնք պատկանում էին անհետացող հայկական բնակավայրերին...»¹⁶:

Հայահալած քաղաքականությունը շարունակվեց նաև հետագա ժամանակներում, մասնավորապես 1905-1908 թթ. հայ-թաթարական ընդհարումների ժամանակ, որի հետևանքով Արեշ գավառի Հավարիկ, Քանդակ, Մարգուղի, Էրմանի-Բազար /Արաշ/, Խանաբադ և Մամաթավա հայկական գյուղերը թաթարական խուժանի կողմից ենթարկվեցին կոտորածի և կողոպուտի¹⁷:

Հայ-թաթարական լարվածությունը Անդրկովկասում և մասնավորապես Նուխի-Արեշի գավառներում ավելի սրվեց հոկտեմբերյան հեղաշրջումից հետո: Դրան մպաստեց նաև այն, որ առաջին

¹³ *Բդեզ գյուղը բռնի մահմեդականացվել է 1890 թ. Մ. Բարխուտարեանց, Աղուանից երկիր ... էջ 281 /:*

¹⁴ *Վարդանյու գյուղը հիմնականում բռնի մահմեդականացվել է 1764 թ. /ՀՀ ՊԳԱ, ֆ. 376, ց. 1, գ. 89, ք. 6 /, քայց 18-րդ դարում և մինչև 1918 թ. այնտեղ բնակվում էին սակավաթիվ հայեր:*

¹⁵ *Բարոն Ավգուստ Ֆոն-Հաքստդաուգենը Հայաստանում հղած ժամանակ հյուրընկալվել է հայ մեծանուն գրող Խաչատուր Աբովյանին, որը և ուղեկցել է նրան ճանապարհորդության ընթացքում:*

¹⁶ *Барон Август Фон-Гакстгаузен, Закавказский край, часть I, Санктпетербургъ, 1867, стр. 208-209.*

¹⁷ *Ա. Դ. Ուշվ. աշխ., էջ 284-286, նաև Ա. Ա. Закарян, А. И. Шахназарян, Бакинская газета «Наше время» о погромах нухинских, арешских и геокчайских армян в 1918 г. /ՀԳ, Երևան, 1989, թիվ 1, էջ 82, նաև «Արև», հունիսի 1, 1918, թիվ 102, նաև Ա. Գյուլխանդանյան, Հայ-թաթարական ընդհարումները Բազուի մեջ, «Հայրենիք», 1924, թիվ 3, էջ 137:*

աշխարհամարտում պարտվող Թուրքիան, օգտվելով Ռուսական կայսրության ներսում տիրող քաղաքական անկայուն իրավիճակից, ինչպես նաև Կովկասյան ռազմաճակատի փլուզումից, է՛լ ավելի ծավալեց պանթուրքիզմի քարոզչությունը մահմեդական շրջաններում: Ինչպես վկայում են վավերագրերը՝ «Թուրքական էմիսարները և սպաները հետևողականորեն աշխատում էին Կովկասում՝ ռուսական Ադրբեջանում, Երևանում, Ելիզավետպոլում և Բաքվում»¹⁸: «Օգտվելով ռազմաճակատում ռուսական ուժերի կտրուկ անկումից, - գրում է Հ. Ավետիսյանը, - Կովկասի կառավարողների անկախության ձգտումներից, որին մղում էր Թուրքիան, Գերմանիայի հովանու տակ գլուխ բարձրացրած Օսմանյան կայսրությունը լարեց բոլոր ջանքերը, Կովկասում համախալամական քարոզչության խորացման համար»¹⁹:

Երիտթուրքերի հենարանն Անդրկովկասում «Մուսավաթ» կուսակցությունն էր, որը ջանք ու եռանդ չէր խնայում՝ արագացնելու թուրքական ներխուժումը Անդրկովկաս:

Վավերագրի վկայությամբ՝ «թաթարները, որոնք ղեկավարվում էին իրենց գլխավոր քաղաքական կուսակցության՝ մուսավաթի կողմից, խորապես գիտակցում էին, որ, լինելով մուսուլմաններ, իրենք չեն կռվի թուրքերի դեմ, առավել ևս այն պահին, երբ ռուսական զորքերի հեռանալու պատճառով միանգամայն որոշակի էր նրանց հաղթանակի մոտալուտ լինելը»²⁰:

Ձեռք ձեռք բերելու, թուրքերի առաջխաղացումը արագացնելու և թիկունքում անիշխանություն առաջ բերելու նպատակով թաթարների առաջին քայլերից մեկը ճակատներից վերադարձող ռուս զինվորների գնացքների վրա կատարվող ավազակային հարձակումներն էին՝ սկսած Հաջի-Կաբուլ կայարանից մինչև Աղստաֆա, որի հետևանքով զոհ գնացին մեծ թվով ռուս զինվորներ, կողոպտվեց մեծ քանակությամբ զենք և զինամթերք²¹: Բոլոր մեան գործողու-

¹⁸ ՀՀ ԳԳԿԱ, ֆ. 121, ց. 1, գ. 29, ք. 3:

¹⁹ Հ. Ա. Ավետիսյան, *Երիտասարդ թուրքերի և մուսավաթի համաթուրքական գործակցությունը և հակառակ մերժգործությունը 1918 թ., ԳԲՀ, Երևան, 1991, բխվ. 1, էջ 47*:

²⁰ ՀՀ ԳԳԿԱ, ֆ. 121, ց. 1, գ. 29, ք. 6-7:

²¹ ՀՀ ԳԳԿԱ, ֆ. 228, ց. 1, գ. 117 ք. 2, նաև ֆ. 45, ց. 1, գ. 5, ք. 4:

թյունները ղեկավարվում էին այդ օրերին Ելիզավետպոլում իր գործունեությունն սկսած մուսուլմանական հասարակական կոմիտեի կողմից²²։ Ըստ գեներալ Կուլեբյակի՝ «Ելիզավետպոլի նահանգում համարյա ամբողջ մահմեդականությունը զինված էր»²³։

Փակելով Բաքու-Թիֆլիս ճանապարհը և այդ հատվածում գտնվող գավառները կտրելով դրսի աշխարհից՝ մուսավաթականները սկսեցին եռանդագին իրագործել իրենց հայաշինչ քաղաքականությունը։

Հայ-թաթարական լարվածությունն իր գագաթնակետին էր հասել Ելիզավետպոլի նահանգում։ Նկարագրելով այդ օրերին Ելիզավետպոլի նահանգում հայ բնակչության ծանր դրությունը, Դ. Անանունը գրում է. «Թուրքիայի գործակալները խուժանն ուղղում էին ոչ միայն գործի դեմ, այլև հայ ճանապարհորդների։ Դեկտեմբերի վերջին այլևս ոչ մի հայ չէր համարձակվում անցնել Ադրբեջանի տերիտորիան կտրող առանձին երկաթուղով։ Խիզախ հային սպասվում էր մահ։ Միաժամանակ թուրքական խուժանը միջցեղային կոիվ սկսեց Արեջի գավառում և Օամախի քաղաքում»²⁴։

Գրությունը տագնապալից էր մասնավորապես Նուխի և Արեջ գավառներում, ուր թաթարական խուժանը, օգտագործելով ամեն մի հնարավոր առիթ, հարձակում էր գործում հայ բնակիչների վրա, բարբարոսաբար սպանում ու կողոպտում նրանց բնակարանները²⁵։ Ահա ինչ է ասվում դեկտեմբերին Նուխիից Բանվորների և զինվորների պատգամավորների երկրային խորհրդին ուղղված գրություններում. «Վերջ պետք է տրվի արդյոք այն ներվային լարված դրությանը, որի մեջ գտնվում է Նուխու գավառի մի բուռն հայերը։ Քաղաքը /Նուխին - Գ. Ստ./ ահաբեկման է ենթարկված զինված բանդաների /թաթարական - Գ. Ստ./ կողմից։ Ժամը 6-ից փակվում են տներում, զիջերներն արթուն են մնում վախենալով կոտորածից...»²⁶։

²² ՀՀ ՊԳԿԱ, ֆ. 121, ց. 2, գ. 94, ք. 96, նաև Բ. Իշխանյան, *Հեղափոխական շարժումը Անդրկովկասում, Բազու*, 1918, էջ 184։

²³ ՀՀ ՊԳԿԱ, ֆ. 121, ց. 1 գ. 28, ք. 18։

²⁴ Դ. Անանուն, *Ռուստոպիրի հասարակական զարգացումը /1901-1918/, հ. 3, Վենետիկ, 1926, էջ 667*։

²⁵ «Ժողովուրդ», *հոկտեմբերի 23*, 1918, թիվ 22։

²⁶ Լ. Ա. Լուրջույան, Ստեփան Շահումյան։ *Պետական և պարտիական գործունեությունը 1917-1918 թվականներին, Նրևան, 1959, էջ 169*։

Սկսած 1917 թ. հոկտեմբեր-դեկտեմբեր ամիսներից՝ Նուխի և Արեշ գավառների Զաֆարաբադ, Չոլախլու, Այդիմ-Բուլաղ, Ենիքենդ /Նոր շեն/, Ջուջամիշ, Օթմանլի, Ալյար, Վարդանլու, Ջովլան, Մալդ, Աղփիլաքյան, Հավարիկ, Մամաթավա, Մագուրդի, Նեմեյթաբադ և Խանավանդ հայկական գյուղերը թաթարների կողմից ենթարկվեցին ավերածությունների²⁷, իսկ Օրաբան²⁸ գյուղի հայերին կոտորածի ահի տակ բռնի մահմեդականացրին²⁹:

Թաթարական հարձակումներից տուժեցին հատկապես Զաֆարաբադ, Չոլախլու, Այդիմ-Բուլաղ, Ալյար և Աղփիլաքյան հայկական գյուղերը, ուր սպանվեցին տասնյակ հայեր³⁰: Դեկտեմբերի վերջերին թաթարական հարձակումները հայաբնակ գյուղերի վրա է՛լ ավելի պարբերական բնույթ սկսեցին կրել:

Այս անգամ վերոհիշյալ հայաբնակ գյուղերից ինքնապաշտպանության դիմեցին Չոլախլուն և Այդիմ-Բուլաղը:

Թաթարական մեծաթիվ զինված խուժանը, հարձակվելով Չոլախլուի վրա, փորձեց գյուղը կրկին անգամ ենթարկել կողոպուտի: Գյուղացիները դիմեցին ինքնապաշտպանության: Համառ մարտերից հետո թաթարները մտնում են գյուղ և կատարում աննկարագրելի բարբարոսություններ, սպանում տղամարդկանց, իսկ գեղեցիկ կանանց ու աղջիկներին իրենց հետ տանում թաթարական գյուղերը: Նմանօրինակ վիճակում էր գտնվում նաև Այդիմ-Բուլաղը, որը թաթարների կողմից ենթարկվում էր կողոպուտի:

Այդիմ-Բուլաղցիները, նույնպես դիմելով ինքնապաշտպանության, փորձեցին գյուղից դուրս վռնդել թաթար ելուզակներին: Ինքնապաշտպաններին օգնության հասան նաև Ղայաբազցի 15 ձիավոր: Համառ կռիվներից հետո ինքնապաշտպաններին հաջողվում է

27 Ա. Գյուլխանդանյան, *Նշվ. աշխ.*, էջ 111, նաև Ա. Մելիք-Յուլյան, *Բագուի հերոսամարտը, «Հայրենիք», Գ տարի, թիվ 7, մայիս, 1926, էջ 112, նաև ՀՀ ՊԳԿԱ, ֆ. 121, ց. 1, գ. 26, ք. 29, նաև ֆ. 375, ց. 1, գ. 89, ք. 5, նաև ֆ. 245, ց. 1, գ. 8, ք. 2, 9, նաև գ. 12, ք. 1, նաև ֆ. 221, ց. 1, գ. 24, ք. 18:*

28 Օրաբան գյուղի հայ բնակչության մի մասը բռնի մահմեդականացվել էր դեռևս 18-րդ դարի վերջին /ՀՀ ՊԳԿԱ, ֆ. 375, ց. 1, գ. 89, ք. 5 /, նաև ֆ. 245, ց. 1, գ. 8, ք. 55:

29 ՀՀ ՊԳԿԱ, ֆ. 245, ց. 1, գ. 8, ք. 55, նաև ֆ. 375, ց. 1, գ. 89, ք. 5:

30 ՀՀ ՊԳԿԱ, ֆ. 200, ց. 1, գ. 597, ք. 55:

թաթարներին ետ շարտել գյուղից: Սակայն թաթարները, օգնական ուժեր ստանալով, եռօրյա կռիվներից հետո, կրկին անգամ մտնում են գյուղ և կատարում անխնա սպանություններ, որից հետո գյուղը հրդեհում³¹: Կոտորածներից փրկվածները ապաստանեցին ավելի բազմամարդ հայկական գյուղերում: Նմանօրինակ բարբարոսությունները ղեկավարում էին թաթարական խուժանի հայտնի ավագակապետեր Նասիրն ու Մուսաբեգը³²:

Թաթար խուժանի կողմից այդ ամենն ուղեկցվում էր հայկական գյուղերի կողոպուտով: Միայն հունվար ամսի հարձակումների հետևանքով հայկական գյուղերից տարան 1138 գլուխ անասուն, 52 փութ հացահատիկ³³:

Թաթարական հարձակումներից զերծ չմնաց նաև ռուսական Ալեքսեևկա և Նեկրասով գյուղերը, որոնց բնակչությունը նույնպես, խուսափելով հետագա բռնություններից, գաղթեց Ռուսաստան³⁴:

Ելնելով վերոհիշյալից՝ Բաքվի Հայոց ազգային խորհուրդը որոշեց բանակցությունների մեջ մտնել թաթարների ազգային խորհրդի հետ՝ ճշտելու հետագա հարաբերությունները, միևնույն ժամանակ ուղիներ մշակել հայ-թաթարական սպասվող ընդհարումների կանխման համար: Բանակցության վարման համար Հայոց ազգային խորհրդից ընտրվեցին դաշնակցական անդամներ Հովհ. Քաջազնունին, Արտ. Չիլինգարյանը /Ռուբեն Դարբինյան/, հայ ժողովրդական կուսակցությունից՝ Հայկ Տեր-Միքայելյանը և Ս. Տեր-Ղազարյանը, սոցիալիստ հեղափոխականներից՝ բժ. Լ. Աթաբեկյանը, և սոցիալ-դեմոկրատներից՝ Տիգրան Իսախանյանը: Թաթարների կողմից մասնակցում էին Մ. Թոփչիբաշևը, Մ. Հաջինսկին, Բ. Խան Ջիվանշիրը, Ի. Հայդարովը, Ա. Վեզիրովը և Բ. Բաբաևը: Առաջին միստը տեղի ունեցավ 1918 թ. հունվարի 16-ին՝ Հայոց Մարդասիրական Ընկերության շենքում: Բանակցությունները, որ տևեցին շուրջ 40 օր, կողմերի մեջ եղած խոր հակասությունների պատճառով այդպես էլ ավարտվեցին անարդյունք, և որոշվեց. «Նկատի ունենալով, որ

31 «Հորիզոն», հունվարի 12, 1918, թիվ 7:

32 «Ժողովուրդ», հոկտեմբերի 23, 1918, թիվ 22, նաև ՀՀ ՊԳԿԱ, ֆ. 245, ց. 1, գ. 5, ք. 4:

33 ՀՀ ՊԳԿԱ, ֆ. 245, ց. 1, գ. 5, ք. 4:

34 ՀՀ ՊԳԿԱ, ֆ. 375, ց. 1, գ. 88, ք. 5, նաև ֆ. 245, ց. 1, գ. 3, ք. 5:

շուտով Թիֆլիսում պիտի բացվի Անդրկովկասյան սեյմը, որին մասնակցելու են այդ խորհրդակցության մեջ մասնակցող անդամներից շատերը, նկատի ունենալով, որ Թիֆլիսի մեջ էր գտնվում Հայոց Գերագույն մարմինը՝ Ազգային խորհուրդը, ընդհանուր խնդիրների վերջնական լուծումը նպատակահարմար համարվեց թողնելու այնպիսի հեղինակավոր մարմնի, ինչպիսին Անդրկովկասյան սեյմն էր»³⁵:

Հայ-թաթարական լարվածությունը գավառներում և հատկապես Նուխի-Արեշում թուլացնելու նպատակով խորհրդակցությունը որոշեց՝ «պատգամավորներ ուղարկել այնտեղ՝ վեճերը թուլացնելու համար»³⁶:

Նմանաբնույթ մի հանձնաժողով Ստ. Օահումյանի կողմից ուղարկվեց հիշյալ գավառները՝ ճշտելու գյուղերի ավերման պատճառները, մաև հայ-թաթարական հարաբերությունները կարգավորելու համար: Սակայն պատգամավորությունն Աղդաշից ստիպված էտ վերադարձավ՝ թաթարների կողմից ճանապարհները փակվելու պատճառով³⁷: Սակայն ո՛չ այդ բանակցությունները, ո՛չ էլ պատգամավորների կատարած աշխատանքները ոչ մի արդյունք չտվեցին, քանզի թաթարները երկդիմի դիրք էին բռնել, մի կողմից հանդես գալով հաշտարարի դերում, մյուս կողմից՝ է՛լ ավելի էին ակտիվացնում իրենց հակահայ գործողությունները ինչպես Բաքվի նահանգում, այնպես էլ նրա հարակից Նուխի-Արեշում:

Հայ բնակչությանն նկատմամբ բռնությունները զանգվածային բնույթ սկսեցին կրել փետրվար ամսից: Հավատարիմ մնալով մեծ եղբոր՝ երիտթուրքերի գործելակերպին, նրանք առաջին հերթին շարքից հանեցին հիշյալ գավառների մտավորականությանը: Այսպես, փետրվարի 13-ին եղեռնական մահով Նուխի գավառի Նիժ գյուղում սպանվում են Միքայել Պետրոսյանը, Անդրկովկասյան սեյմի անդամ Գաշիմ-Բեկ Ամիրջանովը, Սաշա-Բեկ Մելիք-Ասլանյանը և Ա. Ալավերդյանը³⁸:

35 Ա. Գյուլխանդարյան, *Ճշվ. աշխ.*, էջ 113:

36 Նույն տեղում, էջ 114:

37 ՀՀ ՊԳԿԱ, ֆ. 200, ց. 1, գ. 597, ք. 55:

38 «Աշխատավոր», մայիսի 21, 1918, Թիվ 40, նաև «Մշակ», փետրվարի 27, 1918, Թիվ 43:

Բաքվի Հայոց ազգային խորհուրդը, ելնելով վերոհիշյալից, քաջ գիտակցելով, որ հաշտարար բանակցությունները այլևս ոչ մի արդյունք չեն տալիս, այլ ընդհակառակը՝ մուսավաթականներն սկսում են անցնել ավելի լայնածավալ գործողությունների, որոշում է զինել ինչպես Բաքվի մահաճգի, այնպես էլ Նուխի և Արեշ գավառների հայ բնակչությանը: Ինքնապաշտպանության խնդրով մտահոգված՝ Բաքվի Հայոց ազգային խորհուրդն իր հերթական նիստում քննարկում է այդ հարցը: Խորհրդի նիստում ոչ-դաշնակցական անդամներն այն կարծիքին էին, որ Նուխի-Արեշի հայությանը պետք է զինել օրինավոր ճանապարհով, իսկ դաշնակցականները, չմերժելով այդ տեսակետը և, սակայն, չհավատալով, որ այդպես հնարավոր կլինի, առաջարկեցին զինել սեփական միջոցներով³⁹:

Նույն խնդրով մտահոգված՝ Թիֆլիսում գործող Նուխի-Արեշի հայրենակցական ժամանակավոր կոմիտեն /մախազահ՝ Սիմոն Շխյանց/⁴⁰ դիմում է Հայոց ազգային խորհրդին և նորաստեղծ Հայկական առաճձին բանակային կորպուսի հրամանատար Թ. Նազարբեկյանին՝ խնդրելով, որ «թույլատրվի ստանալ իրավունք ունից հարկն է մի բառայլոն կազմել»⁴¹: Ընդառաջելով ժամանակավոր կոմիտեի խնդրանքին՝ Հայոց ազգային խորհուրդն ու Թ.

³⁹ Ա. Գյուլխանդանյան, *նշվ. աշխ.*, էջ 83:

⁴⁰ Սիմոն /Սուրեն/ Շխյանը ծնվել է 1866 թ. Նուխիում: Սկզբնական կրթությունը ստացել է Դանձակի ուսուցչական սեմինարիայում, որն 1887 թ. ավարտելով, զբաղվել է մանկավարժությամբ: 1882 թ. մեկնել է Եվեյցարիա և ուսանել ժնեի համալսարանի մաթեմատիկայի ֆակուլտետում: Ուսանելու տարիներին ծանոթանում է Լ. Յ. Դաշնակցության հիմնադիրներից Ռոստոմի /Ստեփան Զորյան/ հետ և աշխատակցում «Դոշակ» թերթի խմբագրական աշխատանքներին: 1896 թ. մեկնում է ԱՄՆ՝ դառնալով այնտեղի առաջին դաշնակցական գործիչը, ուր և հիմնում է առաջին կոմիտեները: 1898 թ. վերադարձել է Թիֆլիս և մինչև 1914 թ. Ներսիսյան դպրոցում դասավանդել ռուսերեն, ֆրանսերեն, գերմաներեն լեզուներ և մաթեմատիկական առարկաներ, միևնույն ժամանակ զբաղվել է գրական, թարգմանական աշխատանքով: Հայաստանի Հանրապետությունում խորհրդային կարգերի հաստատումից հետո մնացել է Երևանում: Մահացել է 1947 թ.: Մ. Սանթրոսյան, Ներսիսյան դպրոցի պատմությունը, Երևան, 1981, էջ 170, նաև Լ. Տասնապետյան, Լ. Յ. Դաշնակցությունը իր կազմութենեն մինչև Ժ Ընդհանուր ժողովը /1890-1924/, Աթենք, 1988, էջ 234:

⁴¹ ՀՀ ՊԳԿԱ, ֆ. 245, ց. 1, գ. 3 թ. 1, 24, նաև ֆ. 221, ց. 1, գ. 24, թ. 20:

Նազարբեկյանը, քաջ գիտակցելով հայկական գումարտակի անհրաժեշտությունը Նուխի-Արեշում, դիմում եմ Անդրկովկասյան կոմիսարիատին, որի թույլտվությամբ կազմվում է Նուխիի առանձին 4-րդ հրաձգային գումարտակը, որը համարվում էր հայկական կորպուսի մի բաղկացուցիչ մասը⁴²։ Այդ գործում իր ներդրումն ունեցավ նաև Վարդաշենցի գեներալ-մայոր Մ. Սիլիկյանը /Սիլիկով/։ Փետրվարի սկզբներին գումարտակը, որը հիմնականում համալրված էր Նուխի-Արեշի հայ երիտասարդներից և կովկասյան ռազմաճակատից Թիֆլիս վերադարձած Նուխի-արեշցի զինվոր-ներով, անհրաժեշտ ռազմամթերքով Թիֆլիսից Ալազան գետի վրայով անցնում է Նուխի և Արեշ⁴³։ Գումարտակի վաշտերը տեղաբաշխվել էին հայկական Ղայաթաշի, Սաբաթլու, Նիժ և Վարդաշեն գյուղերում⁴⁴։

Սկզբնական շրջանում գումարտակի հրամանատարն էր գեղապետ Հովսեփյանը⁴⁵, որին հետագայում փոխարինեց ազգությամբ լատիշ Ի. Ի. Բրեդիսը⁴⁶։ Միշտ է, Հայրենակցական միության վարչությունը մայիսի 10-ի նիստում⁴⁷ գումարտակի հրամանատար էր նշանակել Ա. Սիլիկյանին⁴⁸, սակայն վավերագրերից երևում է, որ գումարտակի հրամանատար է մնացել գեղապետ Բրեդիսը⁴⁹։

Նուխի-Արեշի հայ բնակչության անվտանգությունը թաթարական հնարավոր հարձակումներից ապահովելու նպատակով, դեռևս 1917 թ. փետրվար ամսին Բաքվում գործող Նուխի-Արեշի գյուղացիական կոմիտեն նույնպես մեծ աշխատանք էր կատարում։ Հետագայում

42 Նուխի-Արեշի առանձին հրաձգային գումարտակը կազմավորվել է 1918 թ. նոյեմբեր ամսին /ՀՀ ՊԳԿԱ, ֆ. 245, ց. 1, գ. 3, ք. 24 /:

43 ՀՀ ՊԳԿԱ, ֆ. 245, ց. 1, գ. 3, ք. 1, 24:

44 ՀՀ ՊԳԿԱ, ֆ. 245, ց. 1, գ. 3, ք. 9:

45 ՀՀ ՊԳԿԱ, ֆ. 223, ց. 1, գ. 24, ք. 1:

46 ՀՀ ՊԳԿԱ, ֆ. 221, ց. 1, գ. 24, ք. 9:

47 ՀՀ ՊԳԿԱ, ֆ. 245, ց. 1, գ. 3, ք. 9:

48 Ա. Սիլիկյանը եղել է գեներալ-մայոր Մ. Սիլիկյանի եղբոր որդին, սպանվել է Ջոզում 1919 թ. օրոքների կողմից /ՀՀ ՊԳԿԱ, ֆ. 208, ց. 1, գ. 35, նաև ֆ. 245, ց. 1, գ. 2, ք. 26 /:

49 ՀՀ ՊԳԿԱ, ֆ. 245, ց. 1, գ. 3, ք. 18, 25, նաև ֆ. 221, ց. 1, գ. 24, ք. 19:

նույն կոմիտեի անդամ Ա. Հակոբյանը, 1919 թ. հուլիսի 10-ի Նուխի-Արեշի հայրենակցական միության վարչության նիստում զեկուցելով ժողովրդին զինելու ուղղությամբ իրենց կատարած աշխատանքների մասին, նշում է, թե «Մեր միությունը կազմակերպվել էր 1917 թ. փետրվարին, Լևոն Աթաբեկյանի օրոք: Միությունն ամեն կերպ աշխատում էր օգնել մեր հայրենակիցներին: Ստեփան Շահումյանի օրոք ուղարկել էինք մեր գավառները 14 ֆուրգոն ռազմաթեքք, որը տեղ չի հասել դժբախտաբար՝ անձրևների, ցեխի և ճանապարհների անկանոնության ու բացակայության պատճառով»⁵⁰:

Այսպիսով պարզ է դառնում, որ թե՛ ազգային խորհուրդները և թե՛ Բաքվի իշխանություններն ու Նուխի-Արեշի ժամանակավոր կոմիտեն, քաջ գիտակցելով հիշյալ գավառների ստրատեգիական նշանակությունը, ինչպես նաև մտահոգված հայկական գյուղերի հետագա ճակատագրով, փորձում էին հնարավորին չափ օգնել նրանց:

Նույն խնդիրներով մտահոգված՝ Նուխի-արեշցիները 1918 թ. փետրվար 26-ին Կովկասյան Բարեգործական Ընկերության դահլիճում հրավիրում են Նուխի-արեշցիների ընդհանուր ժողով, որտեղ որոշում են իրենց հետագա անելիքները⁵¹: Ժողովին մասնակցում էր նաև հայ նշանավոր գրող Վրթանես Փափագյանը⁵²:

Ժողովն ավարտելով իր աշխատանքը՝ որոշում է ստեղծել Նուխի-արեշցիների հայրենակցական միություն: Նույն նիստում նորաստեղծ միությունն ընդունում է Վրթ. Փափագյանի մշակած բանաձևը, ըստ որի՝ նրա գործունեության հիմնական խնդիրներն էին՝ ժողովրդի ինքնապաշտպանությունը, հաղորդակցության կանոնավորումը և պարենավորման ու հանգստանության խնդիրների լուծումը⁵³:

Մարտի 2-ին Ալ. Մանթաշյանի առևտրական դպրոցում տեղի է ունենում Նուխի-Արեշի հայրենակցական միության անդրանիկ

⁵⁰ ՀՀ ՊԳԿԱ, ֆ. 245, ց. 1, գ. 8, ք. 20:

⁵¹ ՀՀ ՊԳԿԱ, ֆ. 245, ց. 1, գ. 3, ք. 1-2:

⁵² Վրթ. Փափագյանը 1914-1917 թթ. հայոց պատմություն և գրականություն է դասավանդել Նուխիի եկեղեցական-ծխական երկսեռ միջնակարգ դպրոցում /Ե. Զարեհների անվան Գրականության և արվեստի թանգարան, Վրթ. Փափագյանի ֆոնդ, ք. 177, նաև «Ցառաք», ապրիլի 29, 1920, թիվ 89:

⁵³ ՀՀ ՊԳԿԱ, ֆ. 245, ց. 1, գ. 3, ք. 1-2:

նիստը՝ Հովսեփի Մելիք-Ջհանյանի նախագահությամբ, որտեղ հայ-թեմակցական միության նախագահ է ընտրվում Ս. Ծխյանը, իսկ փոխնախագահներ՝ Հ. Մելիք-Ջհանյանը և Հայրիկ Տեր-Պողոսյանը⁵⁴։ Հետագայում, հայրեմակցական միության վարչության մարտի 23-ի հերթական նիստում, փոխնախագահների պահանջով առաջարկվում է ընտրել երեք նախագահ՝ համահավասար իրավունքներով։ Ձայների մեծամասնությամբ ընտրվում են Ս. Ծխյանը, որը պետք է զբաղվեր պարենավորման խնդիրներով, Մելիք-Ջհանյանը՝ զինվորական-ինքնապաշտպանական, և Ս. Տեր-Պողոսյանը՝ ճանապարհների և հաղորդակցության⁵⁵։

Նույնի և Արեշ գավառներում հայերի և թաթարների միջև լարվածությունն ավելի մեծացավ 1918 թ. մարտ ամսից սկսած, երբ Բաքվում, իշխանությունը գրավելու նպատակով, բոլշևիկների և մուսավաթ կուսակցության միջև տեղի ունեցան քաղաքացիական կռիվներ⁵⁶։ Քանի որ բոլշևիկյան զորքի մեծամասնությունը կազմում էին արևմտյան ճակատից վերադարձած և ճանապարհները փակ լինելու պատճառով Բաքվում կուտակված հայ զինվորները, որոնց թիվը հասնում էր 10.000-ի, մուսավաթականները քաղաքացիական կռիվներին փորձեցին տալ ազգային բնույթ։ Նրանք տարածեցին այն ստահոդ լուրերը, թե իբր «բոլշևիկները միայն դիմակ է և Բաքվի շարժումը կրում է ազգային հակաթուրքական բնույթ»⁵⁷։ Բաքվում ծավալված մարտյան քաղաքացիական կռիվները իրենց արձագանքները գտան մահ նահանգի գավառներում, մասնավորապես Ծամախիում և Գյոքչայում⁵⁸, որտեղ թաթարների կողմից հրահրված հայ-թաթարական ընդհարումները տարածվեցին մահ Գյոքչային հարակից Նուխի և Արեշ գավառներում։

Անկախ այն հանգամանքից, որ Վարդաշենում տեղակայված վաշտի հրամանատար Գաբրիել Տեր-Գրիգորյանի⁵⁹ ջանքերով այդ

54 Նույն տեղում, թ. 3 :

55 Նույն տեղում :

56 ՀՀ ՊԳԿԱ, ֆ. 121, ց. 2, գ. 84, թ. 88 :

57 Նույն տեղում :

58 ՀՀ ՊԳԿԱ, ֆ. 57, ց. 5, գ. 183, թ. 8 :

59 Գաբրիել Տեր-Գրիգորյանը հայտնի է մահ Տեր-Ռուքինյան ազգանունով։ Կոտորածներից հետո գրել է «Նուխվա և Արեշի հայության ողբերգությունը»։

օրերին հրավիրվել էր հայերի և մուսուլմանների համատեղ ժողով՝ ազգամիջյան լարվածությունը թուլացնելու և հայ-թաթարական հարաբերությունները կարգավորելու նպատակով, սակայն դեպքերի ընթացքը ցույց տվեց, որ նման միջոցառումները չծառայեցին իրենց նպատակին⁶⁰:

Օգտվելով այն հանգամանքից, որ հիշյալ գավառների հայկական գյուղերը շրջապատված էին թաթարական գյուղերով, զինված խուժանը /մոտ 500 հոգի/ ապրիլի 8-ին շրջապատում է Արեշ գավառի Մազրդի հայկական գյուղը և գյուղացիներից պահանջում՝ «հավատարիմ լինել կամ հանձնել զենքերը»⁶¹:

Քանի որ գյուղը շրջապատված էր թաթարական զինվորներով, անելանելի վիճակում հայտնված գյուղացիները, խուսափելով կոտորածից, որոշում են «երեսանց մուսուլմանությունը ընդունել, բայց զենքերը չհանձնել»⁶²: Մազրդեցիների մի մասը /մոտ 50 հոգի/, չհանդուրժելով կրոնափոխությունը, քառ. Տեր-Հովսեփյանի գլխավորությամբ հեռանում են գյուղից և Կուր գետի վրայով հասնում Գանձակ: Թաթարները մոլլաների գլխավորությամբ մտնում են գյուղ և հանում եկեղեցու զանգերը, պղծում եկեղեցին՝ այն վերածելով մզկիթի⁶³:

«Կուր գետի ափին մեկուսի վեց հայ գյուղերից Մազարդին ընդունել է մահմեդականությունը, ընտրելով կրոնափոխությունը մի միջոց իրեն շրջապատող թուրքերից չկոտորվելու համար»⁶⁴, գրում է Գանձակի փոխանորդ Լևոն վարդապետ Մսելյանը ժամանակի Ամենայն Հայոց Կաթողիկոս Գևորգ Ե-ին:

Ցավալի է նշել, որ մահմեդականությունը ընդունելուց հետո էլ

աշխատությունը, որին կցված է եղել մոտ 30 փաստաթուղթ և ներկայացրել «համաշխարհային պատերազմում հայ ժողովրդի կրած վնասների ֆենիչ հանձնաժողովին» /ՀՀ ԳԳԿԱ, ֆ. 221, ց. 1, գ. 24, ք. 20-21 /: Ենթադրում ենք, որ հիշյալ աշխատությունը չի պահպանվել:

60 ՀՀ ԳԳԿԱ, ֆ. 221, ց. 1, գ. 24, ք. 21 նաև «Ժողովուրդ», հոկտեմբերի 23, 1918, թիվ 22:

61 «Արև», հունիսի 1, 1918, թիվ 102, նաև ՀՀ ԳԳԿԱ, ֆ. 200, ց. 1 գ. 78 ք. 128:

62 «Արև», հունիսի 1, 1918, թիվ 102:

63 ՀՀ ԳԳԿԱ, ֆ. 57, ց. 5, գ. 180, ք. 17:

64 Նույն տեղում:

չդադարեցին կոտորածները⁶⁵: Նույն օրերին թաթարական Ռամադարա գյուղում թաթարները գազանորեն սպանում են գյուղում գտնվող Մեծ Սոկոուրիցի 12 հայերի⁶⁶: Մազրդիի ճակատագրին արժանացան նաև հայկական Մամաթավա, Էրմանի Բազար /Արաշ/, Նեմեյթաբադ և Խանաձանդ գյուղերը, որտեղ տեղի ունեցան կոտորածներ և ավերածություններ: Մամաթավա գյուղում տեղի ունեցած կոտորածից հետո փրկված բնակչության մի մասը գաղթեց Ղայաբաշի, իսկ մի մասն էլ բռնի կերպով կրոնափոխ եղավ⁶⁷: Հիշյալ գյուղի կոտորածից փրկված վարժուհին իր ծնողներից գրած նամակում, նկարագրելով կոտորածները, գրում է. «Քոյ ափին հայ գյուղերը, որոնց թվում և Մամաթավան, ավերվեցին, իսկ ազգաբնակչության մի մասը կոտորվեց, մի մասն էլ գաղթեց Ղայաբաշի, մնացածն էլ կրոնափոխ եղավ»⁶⁸:

Ելնելով այն իրողությունից, որ թաթարական հարձակումները Նուխի-Արեշում լայն ծավալ է ստացել, և հայկական գյուղերի բնակչությունը ստիպված ցանկանում է գաղթել Թիֆլիսի նահանգ, Նուխի-Արեշի հայրենակցական միության վարչությունը, մտահոգված գաղթականների ճակատագրով, որոշեց նրանց մի մասին տեղափոխել Ցարսկիե-Կոլոդեց: Այդ նպատակով Հ. Մելիք-Ջհանյանին հանձնարարվեց գնալ Սոմախ և Ցարսկիե-Կոլոդեց՝ գաղթականների կարիքները հոգալու համար: Գաղթականների կյանքը գաղթի ճանապարհներից ապահովելու նպատակով Հ. Մելիք-Ջհանյանի տրամադրության տակ դրվեց նաև Նուխիի առանձին հրաձգային գումարտակի պահակազորը, որը բաղկացած էր 12 զինվորներից: Ցարսկիե-Կոլոդեց գաղթեցին մասնավորապես Ջաֆարաբադի և Այդին Բուլադի հայ բնակչության մի մասը⁶⁹:

Թաթարների վայրագությունները շարունակվեցին նաև Քանդակ և Հավարիկ գյուղերում: Թաթարական խուժանը /մոտավորապես

⁶⁵ ՀՀ ԳԳԿԱ, ֆ. 245, ց. 1, գ. 12 ք. 1, նաև գ. 5, ք. 10, նաև ֆ. 221, ց. 1, գ. 24, ք. 35:

⁶⁶ ՀՀ ԳԳԿԱ, ֆ. 245, ց. 1, գ. 12 ք. 1:

⁶⁷ «Արև», հունիսի 2, 1918, թիվ 103, նաև ՀՀ ԳԳԿԱ, ֆ. 221, ց. 1, գ. 24, ք. 32, նաև ՀՀ ԳԳԿԱ, ֆ. 245, ց. 1, գ. 12 ք. 1, նաև գ. 5, ք. 10,

⁶⁸ «Արև» սեպտեմբերի 7, 1918, թիվ 177:

⁶⁹ ՀՀ ԳԳԿԱ, ֆ. 245, ց. 1, գ. 3, ք. 8:

1000 հոգի/, շրջապատելով հիշյալ գյուղերը, անխնա ունա-
կոծության է ենթարկում՝ պահանջելով մահվեղականություն ընդունել
կամ հանձնել զենքերը: Որպեսզի չարժանանան Մագդղեցիների
ճակատագրին, գյուղացիները մերժում են թուրքերի պահանջը և
դիմում ինքնապաշտպանության: Երեք օր շարունակ շրջապատված
վիճակում 150 հայ կտրիճներ ինքնապաշտպանական մարտեր
մղեցին թվով գերազանց թաթարների դեմ⁷⁰:

Բաքվի «Արև» օրաթերթը, իր էջերում անդրադառնալով վերո-
հիշյալ գյուղերի ինքնապաշտպանական մարտերին, գրում է.
«Քյանդակ և Հավարիկ գյուղերը որոշում են կռվել, ոչ զենքերը
հանձնել, ոչ էլ ընդունել մահվեղականություն: Եվ դիմում են հարևան
Ղայաքաշ գյուղը, որ գան օգնության: 150 հայ կտրիճներ, շրջա-
պատված 1000 ավելի թուրք զինված ու անզեն թալանչիներով, 3
օր ու գիշեր մաքառում են»⁷¹:

Օրհասական այդ օրերին, ապրիլի 8-ին, Ղայաքաշի մեծ գյու-
ղերում Նուխի-արեջցիները հրավիրել էին միացյալ ժողով՝ ճշտելու
ինքնապաշտպանության հետ կապված իրենց հետագա անլիքները:
Նախքան ժողովի բուն հարցերի քննարկմանն անցնելը, ժողովա-
կանները որոշում են Ղայաքաշի գումարտակի զինվորների մի
մասին շտապ ուղարկել Հավարիկ և Քանդակ՝ օգնելու ինքնա-
պաշտպաններին և միևնույն ժամանակ Մագդուղի, Մամաթավա
գյուղերում ահաբեկված վիճակում գտնվող հայերին տեղափոխելու
Ղայաքաշի⁷²:

Ենթադրյալ հարյուր հայ զինվորներ, գումարտակի սպաներ Ն.
Սուրգունովի և Ա. Յակովբյանի զխավորությամբ օգնության հասնե-
լով Քանդակ և Հավարիկ գյուղերի անձնուրաց պաշտպաններին,
օգնում են նրանց դուրս գալու շրջապատումից՝ գյուղերի ազգաբնակ-
չության հետ միասին⁷³: Թաթարական խուժանը, մտնելով գյուղերը,
զազանաբար կոտորածի է ենթարկում 50 հայերի, որոնք չէին

⁷⁰ «Արև», հունիսի 2, 1918, թիվ 103, նաև ՀՀ ՊԳԿԱ, ֆ. 199, ց. 1, գ. 253, ք. 5:

⁷¹ «Արև», հունիսի 2, 1918, թիվ 103:

⁷² ՀՀ ՊԳԿԱ, ֆ. 221, ց. 1, գ. 24, ք. 32:

⁷³ ՀՀ ՊԳԿԱ, ֆ. 245, ց. 1, գ. 5, ք. 10, նաև գ. 3, ք. 1, նաև «Արև», հունիսի 2,
1918, թիվ 103:

հասցրել գաղթել կամ էլ ի վիճակի չէին դուրս գալու գյուղերից⁷⁴։ Կոտորածի ենթարկվածների մեջ էին նաև օրորոցի երեխաներ⁷⁵։ Թաթարական նմանօրինակ բարբարոսությունն այնքան մեծ զայրույթ առաջացրեց գումարտակի հայ զինվորների մոտ, որ նրանք ետդաձի ճանապարհին վրեժխնդրորեն ավերում են թաթարական Չայ-Կայակոյունլու և Ջագիրլու /Շագիրվոլու/ գյուղերը, որտեղից սպասելի էին նոր հարձակումներ հայկական մնացյալ գյուղերի վրա⁷⁶։

Հայաբաշիում իր աշխատանքներն սկսած ժողովը, քննության առնելով գավառներում ստեղծված ուղղակի-քաղաքական ծանր վիճակը, ելնելով այն իրողությունից, որ թաթարական հարձակումները նոր թափ են ստացել, և գյուղերի անկազմակերպ վիճակը կարող է նորանոր կոտորածներ և տեղահանության առիթ տալ, որոշում է. ա/ «միշտ պատրաստ լինել ամեն պատահարի դեմ, արթուն լինել թշնամու նկատմամբ և զինվել, բ/ մահմեդական մոլեռանդությանը վերաբերվել արհամարհանքով և օգնել այն գյուղերին, որոնք կվճարվին իսլամի այդ ֆանատիզմից, իսկ դրա համար կարելոյն չափ լավ զինվել և պաշտպանողական դիրք բռնել, գ/ օսմանցիների վերաբերյալ լինել չեզոք և զինվոր չուղարկել Կովկասյան ֆրոնտ, որպեսզի չգրգռեն այսպիսով տեղական հարևան թուրքերին՝ դ/ հայ գյուղերի անկազմակերպվածությանը վերջ տալ՝ ստեղծելով գյուղական հեղինակավոր ուժեղ իշխանություններ»⁷⁷։

Ժողովը քննարկեց նաև գյուղերում նոր կազմվելիք իշխանությունների խնդիրը և որոշեց ստեղծել «Ջորեղ և անսահման հարատև իշխանություն՝ ամենալայն իրավունքներով»⁷⁸։ Ստեղծվող նոր

74 Արեշ գավառի էրմանի Բագար /Արաշ/, Խանավանդ, Մագրդու, Հավարիկ, Քանգակ և Նեմեյթարադ հայաբնակ գյուղերի բնակչության մի մասը հետագայում գաղթեց Գանձակ։ Էռնիս-Էռլիս ամիսների ընթացքում բուրքական զորքերը, գրավելով Նուխի-Արեշի գավառները, թույլ են տալիս վերոհիշյալ վեց հայկական գյուղերի բնակչությանը վերադառնալու իրենց հայրենի գյուղերը։ Սակայն բերքահավաքից հետո, օգոստոս ամսին, նեմգարար նրանց կրկին անգամ ենթարկեցին կոտորածի /ՀՀ ՊԳՍԱ, ֆ. 200, ց. 1, գ. 70, ք. 128 /:

75 «Արև», Էռնիսի 2, 1918, քիվ 103։

76 ՀՀ ՊԳՍԱ, ֆ. 245, ց. 1, գ. 5, ք. 10։

77 Նույն տեղում, ֆ. 221 ց. 1, գ. 24, ք. 32։

78 Նույն տեղում, ք. 33-34։

իշխանությունը պետք է ունենար երեք աստիճան՝ ա / գյուղական ազգային կոմիտե, բ / շրջանային կոմիտե, գ / Նուխիի և Արեշի գավառային հայկական կենտրոնական կոմիտե՝ բաղկացած երեք հոգուց⁷⁹: Ժողովը կենտրոնական կոմիտեի անդամներ ընտրեց Գաբրիել Ռ. Տեր-Գրիգորյանին, Ն. Սուրգունովին և Թ. Բադալյանին⁸⁰: Գյուղերում կազմակերպչական հարցերով աշխատանքներ տանելու համար ընտրվում են երկու համաժողովներ՝ արևելյան, որի անդամներն էին Եղիշե քահ. Տեր-Հովսեփյանը, Արշակ Մկրտչյանը, Հայկ Մկրտչյանը, և արևմտյան, որի անդամներն էին Բախշի Բատյանը, Սաղիան Սարգսյանը և Սարգիս Զավադյանը⁸¹: Ընդ որում որոշվեց, որ կենտրոնական կոմիտեն պետք է գտնվեր այնտեղ, ուր տեղակայված էր Նուխիի առանձին հրաձգային գումարտակի շտաբը և ամենասերտ կապերի մեջ պետք է գտնվեր նրա հետ: Նույնը վերաբերվում էր և շրջանային կոմիտեներին, որոնք պետք է համագործակցեին գումարտակի վաշտերի և դասակների հետ: Ժողովը քննության առավ նաև Ալազան գետի կամուրջի /պարոմ / հարցը, որը կարող էր մեծ նշանակություն ունենալ ինքնապաշտպանության կազմակերպման գործում: Հաշվի առնելով այն հանգամանքը, որ Նուխի և Արեշ գավառների հայության համար շրջապատումից դուրս գալու միակ ճանապարհը անցնում է Ալազան գետի վրայով, կայացվում է միաձայն որոշում՝ «Ալազան գետի վրայով գցել կամուրջ և այդ աշխատանքները հանձնարարել Գյոյբուլաղի, Դաշբուլաղի և Սաբաթլուի բնակիչներին /պատասխանատուներ՝ Հովսեփ Սաֆյան, Միրզա Քոչարյանը /⁸²: Ուսումնասիրելով ժողովի ընթացքում քննարկված հարցերի և ինքնապաշտպանության կազմակերպման աշխատանքների ողջ բովանդակությունը, կարելի է եզրակացնել, որ հիշյալ գավառներում միացյալ հայկական ժողովն ինքնապաշտպանության խնդիրներով մտահոգված, ապրիլի 11-ին գումարում է նաև նորաստեղծ կենտրոնական գործադիր կոմիտեի և Նուխիի առանձին հրաձգային գումարտակի

79 Նույն տեղում:

80 Նույն տեղում:

81 Նույն տեղում:

82 ՀՀ ՊՊԿԱ, ֆ. 245 ց. 1, գ. 3, ք. 8, նաև ֆ. 221, ց. 1, գ. 24, ք. 33-34:

ղեկավարության համատեղ միաստ, որտեղ, քննարկելով ռազմա-
քաղաքական իրավիճակը գաղառներում, որոշում է. «ա/խնդրել
Թիֆլիսի և Բաքվի հայկական կոմիտեներին՝ օգնել գաղառների հայ
ազգաբնակչությանը՝ ով ինչպես կարող է. ք/ խնդրել Թիֆլիսի և
Բաքվի հայկական կոմիտեներին իրենց գաղառները ուղարկեն գոմե
մեկ հրետանային մարտկոց»⁸³:

Իր հերթին թաթարական ազգային խորհուրդը հետևողականորեն
մախապատրաստվում է հիշյալ գաղառներում կազմակերպելու հար-
ձակումներ հայկական գյուղերի վրա: Այդ նպատակով Գանձակի
մահանգը կտրում են դրսի աշխարհից: «Մոտ երկու ամիս է. Գան-
ձակը կտրում են դրսի աշխարհից: Հայերի համար երկաթուղին չի
աշխատում, ամբողջ գիծը թուրքերի ձեռքին է»⁸⁴, գրում է «Հորիզոն»
օրաթերթը: Այսպիսով, սկսած 1917 թ. հոկտեմբեր ամսից մինչև
1918 թ. թուրքական արշավանքը, թաթարների վայրագությունների
հետևանքով Նուխի և Արեշ գաղառներում ավերվեցին և կողոպ-
տվեցին 16 հայկական գյուղեր⁸⁵ և տեղահանվեցին 6252 հոգի⁸⁶:

Հայ ժողովրդի այս հատվածի նկատմամբ կոտորածներն ու
քոռությունները շարունակվեցին հուլիս, հուլիս և սեպտեմբեր
ամիսների ընթացքում, որոնք պարբերաբար շարունակվեցին
ընդհուպ մինչև 1918-1920 թթ.: Օսմանյան Թուրքիայի և մուսավա-
թական Ադրբեջանի կողմից իրագործված մեծ քաղաքականության
հետևանքով ավերվեցին և թալանվեցին բազմաթիվ հինավուրց
հայկական գյուղեր, քարուքանդ արվեցին հայկական եկեղեցիները,
որոնց մի մասը պղծվեց՝ վերածվելով մզկիթի: Լիովին քոռագրավվեց
հայկական գյուղերի շարժական գույքը, դատարկված գյուղերը

83 ՀՀ ՊԳԿԱ, ֆ. 221 ց. 1, գ. 24, ք. 35-38:

84 «Հորիզոն», ապրիլի 23, 1918, թիվ 76:

85 Հայերի ցեղասպանությունը Օսմանյան կայսրությունում, փաստաթղթերի և
նյութերի ժողովածու, Մ. Գ. Ներսիսյանի խմբագրությամբ, կազմողներ Մ. Գ.
Ներսիսյան, Ռ. Գ. Սահակյան, Երևան, 1992, էջ 640, նաև Հ. Ա. Ավետիսյան,
Եշվ. աշխ., էջ 56, նաև ՀՀ ՊԳԿԱ, ֆ. 223 ց. 1, գ. 58, ք. 7, նաև ֆ. 221, ց. 1, գ.
6, ք. 13, նաև ֆ. 245, ց. 1, գ. 6, ք. 10, նաև «Աշխատավոր», մայիսի 21,
1918, թիվ 40, նաև «Մշակ», մայիսի 17, 1918, թիվ 80:

86 «Աշխատավոր», մայիսի 21, 1918, թիվ 40:

բնակեցվեցին լեզգիներով և թաթարներով, սրի մատնվեցին մոտ 40 հազար տեղաբնակ հայեր:

Հայ ժողովրդի նկատմամբ կիրառված նման քաղաքականությունը Անդրկովկասում կարելի է որակել միայն ու միայն ցեղասպանություն, որը թուրք-մուսավաթականների կողմից կրում էր հետևողական բնույթ և փաստորեն հանդիսանում 1915-1918 թթ. արևմտահայության կոտորածների շարունակությունը Անդրկովկասում:

ԳԵՎՈՐԳ ՍՐԱԳԻՈՆԻ ՍՏԵՓԱՆՅԱՆ

*ՀՄԻ-ի հայոց պատմության ամբիոնի
ասպիրանտ*

